

沈乃文主編

明別集叢刊 第二輯

第三冊

黃山書社





國家出版基金項目
NATIONAL PUBLICATION FOUNDATION

「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第三冊

黃山書社



(明)楊士雲 撰

弘山先生日錄詩集十卷文集二卷

明萬曆楊德刻本

弘山楊先生文集叙

蓋聞之德成而上者也藝成而下者也德成固不可及藝成亦難言之蓋藝有二道爲比興者流爲著述者流兼是二長而後成藝然自文行殊科故德藝兩岐其藝出于德則德固有言豈判然上下乎哉吾里弘山先生以省元舉進士讀中秘書補諫垣值外艱歸奉母不出當路者累疏薦起遷右垣請病歸遂不出坐一小樓探討載藉古今人物之繁夥天地陰陽之隱奧

無不博練而實會作爲詩文有遺稿若干卷錄諸梓其曾孫泰元遂初君德屬東爲叙旣拜受之讀其詩言暢而意美讀其文詞正而理備蓋比興著述綺互融徹可謂藝之成矣然先生高節清風冰雪同其皎涵容蘊藉淵海同其深踐履精純圭璋同其粹蓋創道義之塗入性命之域者也則夫窮載藉而發揮於詩文豈鋪糟粕飭輪轅者哉後之人玩其藝者可以考其德矣東也涼且伐曷稱是役然兒童

時猶及見公。既知嚮慕。今請歸里者十年於茲。乃得先生之文而讀之。幸矣。又得挂名其文字中。以自託。誠門下之末人。非深幸者哉。是爲錄。

萬曆辛卯孟夏吉

賜進士第文林郎江西清江府通判監察御史
後學李東嶺首

楊弘山先生文集序

君子之學。莫先於辨志。志於道德。則功名富貴舉無足以嬰其中。而於文辭也末矣。夫言無文。行不遠。辭之弗可以已也。顧以爲末。何哉。自華靡之習日熾。而樸茂之風漸微。聖人懼焉。則曰。文莫吾猶人。躬行未有得。嗚呼。此其挽僞還淳之心。亦何深且切也。乃今志道據德。追迹古人。安靜守約。百行齊備。而又能博墳典。以厚基造。醇辭而釀味。如吾弘山先生者。殆今之華夏

鮮見其儔者哉先生少以好學博
極羣書發爲文章一於根核見時
義浮騁無當壞人心術輒皆屏去
乃以弘治辛酉獨冠雲貴省試既
而舉進士遊翰苑陟諫垣皆清華
之選也第以剛德正行弗協於時

五

遂引疾端歸日惟坐卧小樓探討
索丘九族中表終歲莫窺其面尤
必鈞深極微窮覽妙旨居則玩其
辭動則察其變時或籠天地於形
內挫萬象於筆端豈徒曰宣幽情
以屬辭已耶如詠史諸什皆卓有

定見而天文律呂經世以下又皆
洞悉其間奧而各有所闡明足以
擴前賢所未發非末學可以易易
通解者夫富淵源之蘊握清要之
樞葆純素之真泯幾微之迹所謂
志於道德功名者實無足與共中
者微斯人吾誰歸是誠躬行君子
足慰聖門之思矣文辭特其來耳
初何心於傳也因慨昔之爲文如
繁星麗天者盛矣奚患不傳猶即
抵書托於其友矧後世操觚之士
好爲名高剽獵炫飾孳孳求售是

又何可勝嘆先生之歿距今三十
餘年幸有曾孫德以薦名乙酉鄉
書之後力加搜輯始克鋟梓以傳
然而歲久渙遺僅存什一於千百
在先生亦惟望道未見焉爾又何
心於傳也德爲余甥日以序請其
可以不敏辭抑孟氏有曰誦其詩
讀其書不知其人可乎故君子於
斯集也玩索其辭想見其爲人於
其行也知其堅白純乎如玉如金
將必取之以爲範身之模而德日
進於其文也知其渾深簡古不雕

不琢將必取之以爲研幾之鑑而
道日明其於挽僞還淳之化亦未
必無小補云抑又聞之蘇子瞻自
幼斗仰范文正公後因其季子屬
序遺稿即以挂名文字中爲至願
東也陋謬以不斐之辭獲附名於
先生集末又厚幸矣

萬曆十九年歲次壬卯六月既望浙
江按察司僉事眷晚生楊應東頓

首拜撰

弘山語錄叙

宇宙儲英乾坤問氣蒼洱一隅
有弘山夫子出焉道高古人而
搜羅探討恬雅慈祥不足為高
望重海內而省元甲第翰苑諫
垣不足為重粹衷對天地懿行
炳日星清節凜霜雪大度包寰

宇累々兮嘉於升菴脩撰仰齋
文宗中谿柱史及文人院道之
掄揚聲稱爛然登之

國史問於鄉評載於麗乘也久矣
有文集存稿紀述則漢之班馬
題咏則唐之李杜著作則宋之
周程張朱至天文曆律則登康

節之堂曾孫述初編輯而綴梓
之有金嵩明齋兩名公叙在仕
路後如拱璧遠近競傳尚未聞
有語錄也甲寅夏余自黔中旋
至蘇榆入弘翁廬行釋菜禮時
遂初為晚年一快事臨岐以所
撰語錄請叙余携歸晨夕玩之

見其表章弘翁之立德立功立
言簡而明精而確秩然其次第
井然其條理燁然其章光藹然
其親切而有味真所謂三不朽
矣有存稿豈可無語錄哉蓋遂
初穎資純詣發祥於祖乙酉薦
名在掄一不為少識者謂天昭

顯道於明詰之後非偶然爾是
祖是孫錄為實錄美且彰者感
且傳此其是已有此振家聲絲
世澤表正鄉邦儼然一弘山夫
子振衣而履彈冠而出厥施之
溥可勝道哉余敢稱慶而颺言
之母姍竊有厚幸矣

嘉曆甲寅仲秋望日知湖廣湘潭
縣前四川壬午總裁考校官劉
陽年家奉先公楊肅科頓首撰

刻弘山先生存稿詩錄序

儒之見嗤于世者章句耳英特
之士屬厭輦輓汗漫百家詎不
亦脫俗自命迥高者潤辭賦卑
者資口耳嘗試操其進止周折
質之朝誦而夕維者一切不令
而傲言自命為由是聲

國家察情事者翹然表樹率功
見言信遇衷衣博帶無當名實
之輩甚或反刺豈儒者非耶其
所為儒非耳當年累世之誦弗
見謂欺我矣弘山先生洵無書
不讀其由詞苑諫垣而起宮坊

也每不樂就冥鴻高引寧惟是
讀書深山廼官諫垣時慷慨言

天下事首以端本立極獻

天子而阻交師正曆元薦移善類

抑何不遺餘力也而居鄉卽貧

無負廊廟絕迹公府弗受餽遺

及採石病民卽又趨當路疏止

之如大理郡名議正黜僭號也

如金沙江議開防叛徼也此其

出處之際何如嗟呼僅僅蠹魚

窮歲抱甕牘自喜乎哉予生

也晚未獲從先生遊然聞先生

于里中前輩又與先生之孫遂

初氏同舉于鄉更悉先生蓋屋

敬守靜博物有道之士夙具聖

種身心性命立其大者安必長

守其官為功見言信哉語錄具

在千百什一耳海內鉅公達達

見索遂初氏謀梓之書來屬予

弁其端予章句晚進何能知先

生碩項褒老慈事力創世俗誦

修供設諸惡狀宜遵儒禮以自

範感先生先得我心幸莫大焉

雖然先生秉禮喻俗而俗化予

以禮自勉而俗齟齬澆德涼何

辭于先生第特聞先生之道以

告來者

萬曆乙卯長至日

吏部司務前翰林院孔目後學
年家晚生廣山閃繼題頓首撰

靈知一點足照千古祖弘氏訓
世味而理真靈為天地陰陽之
鏡聖賢人物之鑑諸所儲校中
谿公等願為之忠臣當途
明公競賞不置其光耿々至今未
磨豈與蔬水陋巷並其烜耀耶
不肖
詎忍蠹蝕而汨汨也敢倒
篋笥重加編次此其梗概云
萬曆乙卯冬仲長至日抱壹守櫻
孫士楊德薰沐百頓謹識

戶科左給事中弘山先生行表

黜蒼五臺奉之麓有隱君子曰弘

山先生以嘉靖甲寅秋九月八日

卒年七十有八是冬十二月二十

四日葬於弘圭山先塋之次越五

年先生之子準率諸孫來謁曰吾

弘山先生行表

一

考之葵門人楊鶴齡既爲誌于玄

堂而未有以表諸封隧懼久人無

得而稱焉故惟予也請陽少時望

見先生古貌秀爽談論疊疊喜汲

引來學心甚慕之後於京邸得奉

周旋先生每折行輩以相傾下里

居以來雖不得日侍談麈而先生

之一言一行無非教鄉間風後進

之懿矩陽中心服而佩藏之先生

屬續前三日陽夢先生來爲別既

葬後一年陽夢先生來屬碑興懷

疇昔鏤骨不忘竊願以一言自托

弘山先生行表

二

于先生不可得而陽亦老矣矧以

汝推重有請乎先生少力學工于

文辭督學使小試大奇之弘治辛

酉以詩經薦雲貴鄉試第一人上

春官失意乃游太學同舍生曾確

爲白沙門人述其師之說一言字

其深悔舊業之非因研究性理清
修益篤楊公宗堯舊同筆硯與講
明此學輟意進取亦既有年鄉之
老宿以父母之命強之先生知不
可以口舌爭勉強應試雖屢黜場
屋終不變其學以徇時好正德丁
丑登舒芬榜進士以文望改翰林
庶吉士由是名動公卿一時同館
如崔如圭以博洽自負獨推先生
以爲莫及已卯冬授工科給事中
奉

詔查盤湖貴糧積事訖取道省親比

入鄉國千里之外輒弛導從不欲
以使節凌鄉人惟單車疋馬逡巡
而趨會丁外艱哀毀骨立與疾復
命往返燕黔不受驛廩苦塊飭粥如
在喪次萬里長途寒暑載變守禮
畏法有如一服除之後親識勸
駕先生曰太孺人在堂何忍去離
且萬無奉以俱往理遂決意不出
坐卧一小樓左右圖書非親族慶
吊足不踰戶樓甚器隘貴官闕焉
欲拓其居先生曰先人容焉於其
後矣風雨燥濕人不堪其陋先生

曾無蹙容嘉靖己丑太孺人寢疾
先生衣不解帶目不交睫比歿悲
慟垂絕復甦既葬欲廬墓嫌于沽
名遙望松楸朝不聞夕閉戶讀書
一坐十年吏於土者欲一見而不
可得先生之居去城二舍兵憲姜
公每造其廬信宿而後去謂人曰
弘山清氣逼人可敬可畏督學孫
公把手晤語嘖嘖歎賞謂當世鮮
有其儷時雲南撫按部院科道論
薦章疏交出疊至不謀而同嘉靖
丁酉吏部尚書薦起光祿卿馬公

理及先生等若干人有司勸促日
至不得已就道至京補兵科給事
中興轉戶科奉給事中先生見俗
尚迫別當途非數候不得見聞人
非重賂弗爲通遂閉關不出以病
報有頃吏部遣人至曰補提學先
生曰老弗能也又曰補司業曰提
學且弗勝況司業乎乃擬改尚寶
卿先生亟辭于天官曰尚寶僚屬
膏粱族也固非貧士所堪任而疾
病餘生非可久於京師者迺上疏
乞骸骨會內閣議選

官僚先生預焉輔臣見疏因除名甚惜之

命下允還家調治痊日赴鄆先生既得歸來仍坐小樓探討六籍爲士者往往聞其緒言而有所開悟康節皇極甘石星經枕籍弗去各爲

赤山先生集

七

詠贊以明其所得巡按御史劉公郝公林公巡撫都御史應公論薦相續皆謂先生負士林之重望爲一方之鉅儒不宜老于牖下有司勸駕惓惓先生不應竟以是終先生平生清介凡交際有餽遺輒面

赤若將境焉居鄉與物無忤人有盜其弟室豚軀者弟既偵知先生輒止之曰豚軀細物惡可以盜名加人也有監司饋金使武吏致之竟爲武吏懷去亦不復問其敦行古道類如此身爲言官垂四十年

赤山先生集

八

子孫無羨布餘粟僅能力耕以食視世之盱眙以取容龍斷以足欲其賢不肖何如哉先生諱士雲字從龍別號弘山一號九龍真逸名其居曰乾乾齋先生先踐獲而後著述嘗分錄春秋正文以證胡傳